

報 閱

立永杜盡根退耕字人吳德龍吳德鳳有承父全六股內佃首徐超琨等合本明給三社屯番荒埔壹處公全拈鬮立約均分德龍等父吳育新拈得荒埔第貳鬮址在萬斗六新興庄南勢番社前西勢自出工資本開通大小圳水灌溉充足用力墾闢成田經官并屯弁合全明丈寔田貳甲陸分正逐年配納屯番大租粟貳拾碩捌斗正東至番社前水溝界西至阿罩霧大圳界南至徐超俊田界北至番地田界四址俱各踏明爲界今因別置乏銀自情願將承父六股內合本明給自墾闢之水田欲退耕先儘問房親及至親叔兄弟姪人等不欲承受外托中引就送退與賴亦天際等全出首承耕當時三面議定出埔地墾闢水田工資本銀陸百零肆大元正其銀字隨即全中見交收足訖明白其田隨時踏交付銀主前去起耕招佃收稅納番屯大租掌管永爲己業保此田果係德龍等承父與六股內全合本承給三社屯番自出工資開墾成田之業與別房親及至親叔兄弟姪人等無干並無上手來歷交加六股內給墾三社屯番及拖欠大租重典他人財物并欠公費各等情如有此等弊，德 龍 鳳 兄弟等全出首一力抵當不干銀主之事此田自退耕以後至及子子孫孫永斷葛藤終不敢生端異言找洗增贖情弊滋事此係二比甘願各無抑勒反悔今欲有憑立永杜盡根退耕字壹紙併繳六股內合約壹紙共貳紙付執永遠爲炤

即日收過盡根退耕契內埔底工資價本佛銀陸百零肆大員正完足再炤

批明內添均字界字等字共叁字批的明炤

代筆堂伯吳來新(花押)

爲中人 徐開伯(花押)

賴英生(花押)

知見人吳育登(花押)

德禮(花押)

堂兄 德瑞(花押)

在場見祖母吳□氏(花押)

母親吳徐氏(花押)

叔叔吳梓行(花押)

堂叔吳瑞新(花押)

吳華新(花押)

吳孔新(花押)

吳炳新(花押)

吳揚新(花押)

德龍(花押)

德鳳(花押)

日立永杜盡根退耕字人吳

嘉慶捌年捌月